

續弘簡錄元史類編

自序

古人之著作已傳矣不必定無瑕類之可

而脩訂之以成一家言則亦爲功於古人此學者事也祖宗之志事有待矣或限於時勢之未可爲得後之人起而繼續之以完未竟之緒庶幾慰望於祖宗此子孫責也吾祖弘毅先生弘簡錄一書前接夾漈鄭氏通志肇自李唐迄於趙宋而遡金附載之至於元史則以爲昭代所修未敢議及而期於克肖象賢之子孫叙述之末惓惓於此遠自少時受讀卽有志續成焉自祖錄重校錢行後每乘其餘閒肆力探討先取本史爲梗槩而廣蒐諸家之纂輯以

正其事之外迂辭之繁複人之乖錯義之駁雜而於有關  
治道有裨心學者增其缺略潤飾大觀都門退食常日手  
一編挾訛鉤要歸里以來益復杜門潛心甚至積瘁成癘  
宛轉床蓐間慮不得竣事以卒始志故每力疾編摩逾深  
策勉屏酬酢之煩窮日夜之力自草創以至授簡中間稿  
凡四易較之幼時習制舉業暑雨寒燈鑽研故紙弗輟爲  
更苦然一人耳目心思之用所及容有未周雖極詳究盡  
善而半生精力已與筆墨俱憊則有所不足於前人而妄  
參其見者未必不爲後人所不足也昔賢謂不讀盡天下  
書不可輕議古人又謂真能讀盡天下書者自知古人不

可輕議三復斯言著書之不易易良可知矣考元史一百五十八卷明洪武初奉敕監修則有宋潛溪輩若而人萃衆著作之手尚有差謬况材識謏短而欲以一人之智力求免於後世之譏彈詎不惑哉宋王荆公以歐陽文忠修五代史而不修三國志屬蘇子瞻足成之子瞻固辭不肯締意以網羅數十百年放佚舊聞其中不能無小得失正畏人之掇拾其後耳遠不敏萬不及古人特以吾祖之望於後人者甚切雖不敢自許象賢而夙深繼續之志竊幸是編得觀成於有生之年而無貽不及卒業之憾也用是付諸剞劂藏於家以示後起者冀世有述焉若曰有功古

人而可問之世則益凜乎稱不敢矣

賜進士出身中憲大夫詹事府少詹事前翰林院侍讀學士  
日講官起居注提督江西學政內陞光祿寺少卿纂修  
寶錄會典平定方略大一統志明史諸書浙西邵遠平謹識

引用書目

元

聖武親征記

秘書監志

成宗大德二年修

掖庭記

國朝典章

英宗至治二年修

經世大典

文宗天曆二年修

太常集禮

泰定四年修

湛然居士集

耶律楚材

中州集

元好問

魯齋文集

許衡

紀行錄

張德輝

國學事蹟

考歲畧

俱耶律有尚

燕居叢談

張都

西使記

劉郁

陵川文集

郝經

牧庵文集

姚燧

松雪齋集

趙孟頫

雪樓集

程鉅夫

遂昌山樵錄

鄭元祐

還山遺稿

楊奐

靜修集

劉因

草廬集

吳澄

癸辛雜志 周密

黑達事畧 徐霖

養蒙集 張伯淳

黟南集 程文

石田集 馬祖常

清河集 元明善

道園學古錄 虞集

安雅堂集 陳旅

觀光集 陳孚

至治集 宋本

研北雜志 陸友仁

清容居士集 袁桷

野齋文集 李謙

圭齋文集 歐陽玄

學古編 吾衍

梅邊集 王炎午

困學齋雜抄 鮮于樞

湖山類稿 汪元量

秋宜集 揭傒斯

樵川集 黃清老

五峯集 李孝光

天慵集 熊朋來

丹墀獨對 吳櫛

稗史集傳 徐顯

理學正宗 趙居信

石鼓文音訓考 潘昶

烏臺筆補

中堂事記

玉堂嘉話

秋澗集 俱王惲

金臺集 葛選廉廼賢

秋聲集 黃鎮成

名臣事畧

元文類 俱蕪天爵

名臣言行錄 沈秋田

玉筍生遺藁 張憲

近光集 周伯琦

梧溪集 王逢

東山集 趙汭

環谷集 汪克寬

鐵厓集 楊維禎

海巢集 丁鶴年

石初集 周霆震

皇元風雅 蔣易

南村輟耕錄

書史會要 俱陶宗儀

圖繪寶鑑 夏文彥

真臘風土記 周達觀



明

大政紀

雷禮

太祖實錄

胡廣等

大方通鑑

李廷機

玉堂鑑綱

葉向高

歷代建元考

鍾淵映

續資治綱目

商輅

續資治通鑑

薛應旂

續紀事本末

陳邦瞻

續文獻通考

王沂

大學衍義補

丘濬

宋史新編

柯維騏

元史節要

張美和

元史纂

梁孟敬

元小史

楊循吉

名山藏

何喬遠

史料

王世貞

名臣奏議

張溥

函史上下編

鄧元錫

潛溪集

宋濂

郁離子集

劉基

王忠文公集

王穉

金文靖公北征錄

金幼孜

周官剔偽

舒芬

剪勝野聞

徐貞卿

分省人物考 過庭訓

兩浙名賢錄 徐象梅

水東日記 葉盛

清溪暇筆 姚福

百川書目 高儒

少室山房筆叢 胡應麟

漕河圖志 王璽

職方圖考 陳組綬

草木子 葉世奇

天都載 馬大壯

楚紀 廖道南

滇史 諸葛元聲

高麗史 鄭麟趾

西域考 汪應蛟

平夏錄 黃標

十二代詩選 曹學佺

升庵外集 楊慎

李氏藏書 李贊

星槎勝覽 張芹

炎微紀聞 田汝成

元詩類選 曾應珪

本草綱目 李時珍

法書苑 周越

元人百種 臧晉叔

國朝

大清一統志

康熙十二年  
敕修

孝經衍義

康熙二十九年  
敕修

二十一史緯

陳永錫

本末紀要

林子鄭

宋元經解

成德

理學宗傳

孫奇逢

敦行錄

張鵬翮

性理大中

應揭謙

列朝詩選

羣雄事畧

俱錢謙益

歷代經義攷

日下舊聞

俱朱彝尊

畿輔人物志

孫承澤

山海經廣注

吳任臣

鴻雪錄

屈大均

西河文集

毛奇齡

皇會新編

茹鉉

方輿紀要

顧祖禹

古今治平畧

蔡方炳

正字通

廖文英

安南使事紀

李仙根

使琉球雜錄

汪楫

說畧箋

黃宗羲

元詩選

顧嗣立

凡例

一是編義取續錄發凡起例祖法昭然辭無可贊但元史本文  
既不分類又不依時先後倒置不得其解今特窮波討源如  
理勢絲務求有緒覽者須先觀本史方知是編之苦心至史  
貴詳明故自正文而外間採羣書或補其闕畧或辨其異同  
倣大唐六典杜氏通典格並用夾行小註不敢臆鑿一語惟  
是杜門息交討論有關正恐挂一漏萬有心者諒之

一祖錄帝紀特稱天王蓋謂承天御極始應稱帝自外追尊上  
謚義無並列亦以寓漢王典獻禮無並尊之意是編於太祖  
太宗定宗憲宗止稱世紀睿宗裕宗顯宗並入系屬明

宗寧宗止於附見不得槩列帝紀以示尊無二上之義

一舊史苦於無文惟本紀尤爲率畧蓋緣憲宗以前史官未備實錄無稽故皆年不備時時不備月授受之際中多曠歲世祖以後或紀詳於傳志詳於紀因仍疎忽文亦未能雅馴蓋宋史本紀不載詔令乃襲新唐書之失爾茲編仍準兩漢故事凡國朝典章經世大典及續通鑑綱目紀事本末元文類等書所有詔誥制冊之文與諸帝嘉言善行無不補載至古史以事分見各志故本紀可畧茲編不用志表凡天文地理曆律制度皆按年入紀令人一覽而盡故於本紀獨詳

一祖錄首重宰輔次列功臣明政本所繫國運所關也然宰輔

一官舊史雖有年表亦多脫漏且與紀傳或相舛錯難以爲憑今自參知政事而上一日入省卽以類從惟有據事直書其中賢否自判至功臣一例必繫從龍關土克復收京始在茲類其他不敢濫廁蓋宰輔但從其官功臣必序其績也惜賢相如和禮霍孫元勲如赤老溫皆未立傳無從蒐補再降將如呂文煥范文虎夏貴等盡獻荆襄淮西諸地始成南北混一之圖其有功於元不小特爲補傳不沒其實

一侍從臺諫必取其文章華國直節鳴朝方與斯目然旣列其人必詳其事如郝經之東師議班師議立政議袁桷之國學議歐陽玄之治河記馬祖常之建白一十五事陳天祥之彈

文陳祐之三大計李元禮之諫幸五臺山陳思謙之銓政四  
弊陳祖仁之三上太子書皆炳炳烺烺可傳可誦他如布衣  
趙天麟縣佐鄭介夫本非諫官然其金鏡太平二策磊落數  
萬言豈非元代絕大文字竝加詳載用成鉅觀

一從來修史撰非一手各不相謀重複矛盾在所不免元史於  
洪武二年二月開局八月成書順帝旣無實錄遣使採訪郡  
縣又明年二月開局七月成書爲期太促紕繆故多如列傳  
第一百二十卷旣載速不台而一百二十二卷又作雪不台  
第一百三十一卷旣載完者都而一百三十三卷又有完者  
拔都第一百五十卷旣載石抹也先而一百五十二卷又作

石抹阿辛再如第一百二十三卷直脫兒傳旣載從子忽刺  
出後又有忽刺出傳第一百三十二卷杭忽思傳旣載其子  
阿塔赤後又有阿荅赤傳音字雖殊家世事跡分明無兩間  
有旣立傳而重見他傳者悉加刪正至海運爲元時創舉而  
朱清張瑄無傳則海道不詳今從諸書摘補庶官之末而先  
志以圖竝詳其歷年起運之數以備考證

一舊史后妃雖有傳而甚畧宗室世系諸王公主止有表而無  
傳此中脫誤不知凡幾今從全史內以類相次撮合成篇有  
諸家所傳互異者竝附參考然亦僅存梗概聞見實屬無徵  
誠恐自蹈前車取譏後乘重加增訂尚以俟之高明



一古史但稱儒林至宋始立道學傳蓋惟有宋諸儒刻意倡明道學方可不愧斯名若後此相沿仍襲竊恐實有未副今止稱儒學不名道學蓋儒之爲義至大正不必以道學鳴高也至舊史所載寥寥數行疎畧殊甚今皆搜其生平著作盡爲編入而又補熊禾以下十八人大傳俾六經源流諸史本末無不備具足爲考古者金鑑覽是數篇方知弘而且簡

一自古文人鏤心嘔思或尚論今古或發爲詩誦或留情翰墨不分窮達無非冀垂身後之名而元史無藝文志遂使百年才士抱恨九京今自一統志下及稗乘諸書以至家藏抄本無不羅致特分經學文學藝學三科補其闕軼第惜其人出

處多有未詳然較之藝文志不無少加文采矣

一自古忠臣義士或開疆陷敵裹革沙場或時際艱危致身殉國此在天澤之誼固然更有里巷細民閭中弱質慨然捐軀赴難者此乾坤正氣所鍾綱常名教所繫凡有聞見何忍湮沒不彰而元史所載十不得五今特遍加搜采以補舊史之失彼旣不惜一死我敢靳此一書乎靈其有知庶幾無憾

一終元之世創立功德使司所謂帝師國師者僭擬無度累朝錢粟之耗費綱紀之廢弛莫不由此故特詳著其始末以爲防微杜漸之戒其他如叛臣宦官較之往代絕少而庖厨匠作等役雖蒙不次之榮槩列方技之內至元之亡實亡於羣

盜且紅巾諸寇與僞漢僞周僞夏皆先元而亡何以不爲列傳在當時作者止欲歸功昭代不免偏徇今特補入雜行之末以見一代興亡具有原委所關匪細

一古史於外國止序一代之叛服事宐其從前緣起皆不詳載史體空然所以防重複也但一代自爲一傳考古者恒苦繙閱爲勞今於各域皆上稽歷代貫穿成篇且以補祖錄之所未載至元太祖先收西域然後國富兵強世祖先定大理然後順流南伐此有元開國進取中原之大關鍵何可缺而不詳卽如吉利吉思至元初設官分理八百媳婦元貞時屢次喪師亦宐附錄以補闕文

一元人名氏率多雷同其大者有九伯顏一爲世祖時平宋功臣一爲世祖時江西左丞一爲成宗時河南平章一爲武宗時駙馬一爲文宗時左丞相一爲文宗時河南行省丞相一爲順帝時右丞相封秦王一爲順帝時湖廣平章一爲順帝時中書平章十三脫歡一爲太祖五世孫安定王一爲太宗侍臣一爲憲宗時札剌兒部人一爲世祖時福州達魯花赤一爲駙馬术安傳一爲武臣苦徹子一爲成宗時參知政事一爲丞相哈剌哈孫子一爲叛王合丹孫一爲仁宗時西臺中丞一爲泰定時治書侍御史一爲文宗初湖廣平章一爲順帝時僉樞密院殉難膠州十五脫脫一爲烈祖曾孫一爲

憲宗時皇族一爲蔑里乞部長一爲世祖時千戶一爲功臣  
劉國傑子一爲功臣木華黎元孫一爲康里國族一爲仁宗  
初遼王一爲仁宗時雲南王一爲英宗時南臺御史大夫一  
爲泰定時中書叅議一爲順帝時右丞相監修三史一爲順  
帝時翰林承旨一爲至正中知樞密院事一爲至正中萍鄉  
州同知殉國難覽者最易瞋目特表識之以免混淆

一史家建國紀元務從其實徐無黨於五代史論之詳矣元初  
國號未建止稱蒙古開平未立止稱龍岡上都未定止稱開  
平至如大都之名始自至元而後其先止稱燕京劉秉忠未  
復服改名應曰僧子聰太平未拜相賜名應曰賀惟一程鉅

夫未避諱以字行應曰程文海此定例也再如女真在宋仁宗時因避遼主宗真諱故少加二點後竟訛曰女直回鶻本名回紇至唐元和中始稱回鶻今以俗音相近直曰回回此皆國號所開不得不爲釐正至如刺皆讀喇合皆讀哈阿則本音與倭竝用其地名人名字以音通間多互用今槩從畫一以便循覽幸余少習國書畧知音義故也

一列史皆有論贊以寓抑揚獨宋濂元史以不作論贊爲準春秋之法不知後世之史皆本史漢紀傳非本春秋編年也若夫勝國之史皆與本朝相接豈獨元史爲然而顧用是避忌哉今依祖錄體制各附冊語稍存斷案之義但以卷帙繁冗

獨手經營不免蕪陋兩失博雅君子蘄有以正之

一是編成於康熙癸酉之秋進呈於己卯之春得

旨是書既係爾所自著准留此從容省覽欽此越二日蒙

恩親賜御書蓬觀二大字扁額識以寶璽蓋蓬觀二字出自漢書

爲天祿石渠之領袖微臣得邀異數誠稽古之至榮也及

大駕回宮卽宣付南書房自慚雕蟲小技襲取陳言仰荷

聖明不棄且示褒嘉乃敢出而問世

遠平敬識

進呈元史類編表

原任詹事府少詹事兼翰林院侍講學士臣邵遠平稽首頓首上言  
康熙三十有八年歲在己卯春二月恭遇

皇上軫念運道民生巡行淮屬閱視河工浙省臣民感恩深厚  
交章懇請廼蒙

俞旨省方至浙臣得再覲

天顏竊念臣祖邵經邦係明嘉靖年進士官刑部員外郎疏劾  
首相張璁議禮干進廷杖謫戍一生苦心講學著有歷史  
弘簡錄二百五十四卷久經刊刻臣職在史官雖越草茅  
不敢廢職續成元史四十二卷幸值

聖明在上不棄通言謹奉表恭



進者伏以

聖世右文河洛啟圖書之秘

宸衷好古星辰聯奎璧之輝

闡聖學於經筵蒐討不忘故典

表鴻文於藝苑徵求下及遺書謹竭葵忱用申芹獻竊惟國  
有史宥所以考正是非學尚居稽端在昭垂法戒廣求文  
獻考子姒而鮮明徵精取事詞涉山川以訪故老計書上  
夫太史足備網羅複壁出自民間均資漁獵然而歷朝作  
手互有異同暨乎諸庫藏書或分紀志人盡矜夫著述代  
各有其專家龍門上遡古初祇承先業孟堅續成國史亦  
襲前文表秦楚之際於漢年成晉隋之書於唐世莫不遐

叅衆說博采羣言殫一人之心思垂弈禩之典則史稱南  
北延壽作而沈魏所撰不行代閱梁周廬陵出而居正之  
本尋廢至唐書之分二部起自至和迨宋史之有新編踵  
於興化如車之有輔竝昭示於後來若流之邇源且羽翼  
夫前哲然非上塵乎乙夜莫慰下志於三餘茲蓋伏遇

皇帝陛下

實意勤民

虛心稽古

聖不自聖體乾健而效法兩儀

安益思安所無逸而慮周四海

軫河流之未莫櫛風沐雨不殊虞代時巡

念稽事之維艱問俗省方直邁夏時休豫

深仁普及東南再邀雲日之臨

大澤鴻敷童叟共遂瞻依之望此誠三謨二典無以颺其休  
千載一逢而適躬其盛者也伏念臣祖邵經邦性耽講學  
志切懷忠釋褐勝朝服官比部當盛年強仕之日際興獻  
議禮之時疏觸柄臣杖戍海嶠謫居三十七載著書數十  
萬言曾續鄭樵通志之餘撰成學史弘簡一錄李唐趙宋  
厥有編年五代遼金並登載記臣猥以林居閒隙草成元  
史類編溯纂輯於當年但聞春開局而秋竣事較得失於  
列代惟恐昔屢謹而後巖疎序次紕繆或多緣無實錄郡  
邑諮詢未確互有傳疑乃卽宋濂之成書研尋虎豕竊仿

杜氏之通典旁注蟲魚大義循夫正文定例沿乎祖式不敢妄加臆說致滋訛僞之愆惟思雜撫羣書畧補見聞之闕稿凡五易舛複皆刪歲越數更寒暑不輟獨是學兼二至始足論著於蘭臺且須美擅三長或可發揮於石室臣才慚刻鵠技比雕蟲三入詞林未識金根之字四叨館職謬追玉局之塵思報國祇有文章勉延先緒愧讀書但存糟粕聊續遺編何幸剞劂之方成正遇

鑾輿之適屆伏願

不遺葑菲

下及芻蕘

覩蕪陋之陳言無供採擇

恢舍弘之大度曲賜優容本非扶風繼述之才徒糜歲月願  
比百藥續承之志用切編摩匪敢傳示於藝林或冀廁名  
夫野乘更望

恩推異代憫臣祖之孤忠儻邀

寵賁九原褒雲章於一字則施由格外方知兩世之苦心遇出  
非常不獨一家之私感矣臣無任激切屏營之至謹奉

表上


進以

聞

朔漠圖考

按元太祖卽位于斡難河在大漠東北太宗卽位于和林在大漠之西其地有哈刺和林河故名本唐回鶻毗伽可汗故城自太祖定河北卽建都於此爲會同之所太宗七年始築城作萬安宮城周五里九年治迦堅茶寒殿在和林北七十里明年營圖蘓湖迎駕殿去和林城三十里初立元昌路後改轉運和林司自世祖遷都燕京改設和林宣慰司成宗大德中始立和林等處行中書省置總管府仁宗皇慶初改嶺北行省更名和寧路嘗以勳舊王公領之爲一代巨鎮自此北行三千里名阿只里海于又行五百里至謙州益蘭州再行千里至大澤云







上都在桓州東灤水北慶州之西南遍地皆松號曰千里松林

元初建城名龍岡世祖中統初改稱開平府四年升上都置留

守每帝皆避暑於此自四月行幸九月始還歲如例其宮闕市

肆壇廟之盛與大都埒順帝至正中紅巾寇上都焚燬殆盡

元初以遼陽爲東京世祖至元中改立遼陽等處行省統路七

曰遼陽路初領婆娑安府後廢止領縣廣寧府路領縣二曰大寧

路武平州九曰大定龍山富庶和衆惠和金源東寧路領府一曰

十一武平州九曰大定龍山富庶和衆惠和金源東寧路領府一曰

泰一曰郭撫黃靈慈嘉順殷宿德昌鐵瀋陽路轄總管五千戶二

十五悉開元路平郭東安新興慶雲清安歸仁合蘭府水達達

等路幹朵憐曰脫幹憐曰李苦江已立肇州宣慰司自漢以

來版圖所隸未及混同江以東也遼金二祖創興闢地始廣至

元則南兼高麗北通大漠東南際海道里不可以數計

## 海運圖考


食貨志曰元都于燕去江南極遠百司庶府之繁衛士編民之衆無不仰給東南自朱清張瑄創海運之舉而江南之糧分爲春夏二運蓋得至京師者歲多至三百餘萬石民無輪輓之勞國有儲蓄之富誠爲一代良法

虞集曰至元十二年旣平宋始漕江南糧以河運弗便十九年議通海道漕運抵直沽以達京師初歲運四萬餘石後累增至三百餘萬石春夏往返作兩運其舟行風信有時自浙西不旬日可到內外官府大小吏士下至細民無不賴此

胡長孺曰杭吳明越揚楚幽薊萊密俱岸大海舟航可通故海運之法自秦已有之始皇使天下飛芻輓粟起於黃腫瑯琊負海之郡而唐亦轉東吳粳稻以給幽燕惟至元而其利始博




西



東





丘濬曰自古漕運從入之道有三曰陸曰河曰海陸運以車水運以舟而皆資乎人力所運有多寡所費有繁省河漕視陸運之費省什三四海運視陸運之費省什七八蓋河漕雖免陸行而人挽如故海運雖有漂溺之患而省牽率之勞較其利害蓋亦相當今漕河通利歲運充積固無資於海道也然善謀國者恒於未事之先爲意外之慮當此成平無事之秋宜尋元人海運故道別通一路與河漕並行江西湖廣江東之粟照舊河運而以浙西瀕海一帶及蘓松常等府由海通運使人習知海道一旦漕渠少有塞滯此不來而彼來是亦思患豫防之先計也舟行海洋不畏深而畏淺不慮風而慮礁故製舟必用尖底首尾必俱置舵卒遇暴風急轉帆以尾爲首縱其所如多設長篙以料角定盤針以取向卽閩廣之綱運亦可無往不利矣

按元時歲運所至及所失之數至元二十年四萬六千五百  
 至者四萬二千一百七十二石失者三千八百七十八石計每  
 石欠八升四合餘二十一石失者一萬四千八百九十石計每  
 萬五千六百一十石失者一萬四千八百九十石計每石欠五  
 升一合餘二十二石失者一萬四千八百九十石計每石欠五  
 者九千二百二十九石計每石欠九升二合餘二十七石失  
 者七萬八千五百二十石至者四十三萬三千九百五十五石  
 者一十四萬四千五百七十石計每石欠二斗四升九合餘  
 二十四年三十萬石至者二十九萬七千五百四十六石失者  
 二千四百五十四石計每石欠八合餘二千五百四十六石失者  
 至者三十九萬七千六百五十五石失者二千三百四十五石  
 計每石欠五合餘二十六萬九千三百五十七石至者九十一  
 萬九千九百四十三石失者一萬五千五百七十七石計每石  
 升六合餘二十七石失者一萬五千五百七十七石計每石  
 一萬三千八百五十六石失者一萬五千五百七十七石計每  
 石欠五升餘二十八萬八千一百五十二萬七千二百五十四石  
 者一百二十八萬八千一百五十二萬七千二百五十四石  
 百三十五石計每石欠一斗六升餘二十九萬一千一百四十萬  
 七千四百石至者一百三十三萬六千一百一十三石失者四  
 萬五千八百八十七斗計每石欠三升二合餘三十萬九千  
 萬八千石至者八十八萬七千五百九十一石失者二萬四千  
 九石計每石欠二升二合餘三十一萬五千五百九十一石失  
 者三十三石至者五十萬三千五百三十四石失者一萬九千  
 十九石計每石欠二升一合餘元貞元年三十四萬五千五百



二年三十四萬五百石至者三十三萬七千二百六十六石失者  
三千四百七十四石計每石欠一升餘大德元年六十五萬  
八千三百石至者六十四萬八千一百三十六石失者一萬一  
百六十四石計每石欠一升五合餘二年七十四萬二千七  
百五十一石至者七十萬五千九百五十四石失者三萬六千  
七百九十七石計每石欠四升九合餘三年七十九萬四千  
五百石四年七十九萬五千五百石至者七十八萬八千九  
百一十八石失者六千五百八十八石計每石欠八合餘五  
百七十九萬六千五百八十八石至者七十六萬九千六百五  
百一十九石失者二萬六千八百七十八石計每石欠三升三  
合餘六年一百三十八萬三千八百八十三石至者一百三十二  
萬九千一百四十八石失者五萬四千七百三十五石計每石欠  
三升九合餘七年一百六十五萬九千四百九十一石至者  
一百六十二萬八千五百八十五石失者三萬九百八十三石計  
每石欠一升八合餘八年一百六十七萬二千九百九十九石至  
者一百六十六萬八千三百七十九石失者四萬三千五百九  
十六石計每石欠二升五合餘九年一百八十四萬三千三百  
七十七石失者四萬七千六百五十六石計每石欠一升五合  
餘十年一百八十八萬八千四百九十九石至者一百八十九萬  
九千九百九十九石失者一萬九千九百九十九石計每石欠  
二升五合餘十一年一百八十八萬八千四百九十九石至者  
一百八十六萬六千六百六十九石失者二萬四千四百九十九  
石計每石欠一升五合餘十二年一百八十六萬六千六百六十九  
石至者一百八十四萬四千六百六十九石失者二萬四千四百  
四十三石計每石欠一升二合餘至大元年一百二十四萬七  
百四十八石至者一百二十萬二千五百三十三石失者三萬七

[illegible]

百二十六萬四千六百石至者三百二十四萬七千九百二十八  
石失者一萬六千七百七十八石計每石欠四合餘至治元年三  
百二十六萬八千七百六十五石計每石欠三合餘至治元年三  
百六十五萬八千七百六十五石計每石欠三合餘至治元年三  
年三百二十五萬一千一百四十五石計每石欠二合餘至治  
四年八百三十三石失者四千六百五十七石計每石欠一合餘  
三年二百八十一萬一千七百八十六石至者二百七十九萬  
八千六百一十三石失者一萬三千一百七十三石計每石欠  
四合餘泰定元年二百八十八萬七千二百三十一石至者二  
百七十七萬二千二百七十八石失者九千九百五十三石計  
每石欠四合餘二年二百六十七萬一千一百八十四石至者  
六十三萬七千七百五十一石失者三萬四千一百三十三石  
石欠一升二合餘三年三百三十七萬五千七百八十四石  
至者三百二十五萬一千三百六十二石失者一十二萬四千  
四百三十二石計每石欠三升六合餘四年三百一十五萬  
二千八百二十二石至者三百一十三萬七千五百三十二石  
者一萬五千二百八十八石計每石欠四合餘天曆元年三  
百二十五萬五千二百二十石至者三百一十三萬七千五百  
餘二十四石失者三萬九千七百九十六石計每石欠一升二  
四萬三千六百六十五石失者一十八萬一千八百五十七石  
五升一合餘至順以後無考先是議者謂風濤不測糧船漂  
溺無歲無之至元二十六年從壽張尹韓仲輝言開會通河然  
岸狹水淺不能負重歲運止數十萬石故終元世海運不能

續弘簡錄元史類編總目

卷之一

世紀一

太祖 在位二十二年

世紀二

太宗 在位一十三年

世紀三

定宗 在位三年

世紀四

憲宗 在位九年

卷之二

天王

世祖皇帝 建元中統四至元三十一凡在位三十五年

卷之三

世祖皇帝 起至元十六年終三十一年

卷之四

成宗皇帝 改元元貞二大德十一凡在位一十三年

卷之五

武宗皇帝 改元至大在位四年

卷之六

仁宗皇帝 改元皇慶二延祐七凡在位九年

卷之七

英宗皇帝 改元至治在位三年

卷之八

泰定皇帝

改元泰定四致和一凡在位五年附明宗在位十年

卷之九

文宗皇帝

改元天曆二至順三凡在位五年附寧宗在位一月

卷之十

順帝

改元元統二至元六至正二十入凡在位三十六年

卷之十一

宰輔一

耶律楚材

子鑄孫希亮

粘合重山

子南合

鎮海

子勃古思

楊惟中

趙璧

史天澤

子格

廉希憲

父布魯海牙弟希賢

商挺

子琥琦

璿

趙良弼

卷之十二

宰輔二

姚樞

宋子貞

劉秉忠

弟秉恕

張文謙

附高天錫

張德輝

安童

子兀都帶

董文炳

子士元  
士選

張雄飛

子師野

石天麟

卷之十三

宰輔三

阿合馬

附秦長卿  
王著

盧世榮

桑哥

附幹羅思  
要束木

馬紹

何榮祖

阿魯渾薩理

子岳柱

葉李

附李淦

不忽木

祖海藍伯  
父燕真

完澤

祖土薛  
父線真

張九思

附高騰

卷之十四

宰輔四

徹里

會祖太赤  
母蕭察氏

千盧

祖忽都思  
父和尚玉耳

鐵哥

父幹脫赤  
叔那摩

梁德珪

尚文

何瑋

父伯祥

哈刺哈孫

曾祖啓

阿沙不花

父牙牙

子伯家諾

康里脫脫

李孟

子獻

劉正

吳元珪

察罕

父伯德那

鐵木迭兒

張思明

拜住

母怯烈氏

卷之十五

宰輔五

趙世延

子伯忽

賀勝

祖貢父仁傑

蕭拜住

附韓若愚

張珪

子景武

敬儼

叔祖鉉

王結

祖遜勤

燕鐵木兒

子唐其勢

附任速哥

伯顏

脫脫

父馬札兒台

太平

子也先忽都

賈魯

卷之十六



宰輔六

徹里帖木兒

附阿榮

許有壬

妻趙氏子楨

鐵木兒增識

阿魯圖

別兒怯不花

父阿忽台子達世帖木兒

呂思誠

母馮氏

朶爾直班

祖碩德

蓋苗

朶兒只

太不花

烏古孫良禎

紐的該

成遵

哈麻

弟雪雪

搠思監

也速

慶童

丁好禮

附郭庸

朴賽音不花

卷之十七

功臣一

開國

木華黎

子孛魯曾孫乃燕

孫增思

速渾察

霸突魯

乃蠻台

博爾术

孫玉昔帖木兒

博爾忽

曾孫月赤察兒元孫宋都解

從孫增察兒

术赤台 子怯台 孫哈答

畏答兒 會孫博羅 伯都札八兒火者

察罕 子木花里

石抹也先 子查刺 石抹明安

按竺邇 子國寶

闊濶不花 史天倪 子樞 權

從弟天祥 附王守道

肖乃台 子抹兀答 吾也兒

董俊

張柔 移刺捏兒 子質奴 孫元臣

速不台 父哈班

紐璘 子也速答兒 速哥 父忽魯忽兒

卷之十八

功臣二 歸降

耶律留奇 子薛闊 善哥 曷思麥里 郭寶玉 子德海 孫侃

石天應 從子佐中 嚴實 子忠濟 忠範 劉黑馬 父伯林 子元振 元通

劉整 子孩 汪世顯 子德臣 孫惟正 良臣 忠臣

楊大淵 兄子文仲 文安 李忽蘭吉 父節 管如德 父景模

補呂文煥從弟文福  
造附范文虎  
從子師夔

夏貴附陳奕

卷之十九

功臣三 平宋

兀良合台 子阿术  
伯顏 附孟祺

阿里海牙

阿剌罕 祖撥徹  
父也 柳干 增出 妻明理氏

懷都 祖阿术魯

完者都

忙兀台

隋世昌 父寶

李庭

朱國寶 父存器

阿增海

張禧 父仁義  
子弘綱

張弘範 兄弘畧  
弟弘正

李恒 父惟中

李德輝 附呂或

卷之二十

功臣四 平諸域

土土哈 子牀兀兒  
洪福源 父大宜  
子茶丘

君祥

駿都 子百家奴

來阿八赤 附樊桐張玉

昔都兒

史弼 曾祖彬

高興

亦黑迷失

劉國傑 子脫歡

賽典赤瞻思丁

子納速刺丁 忽辛

愛魯 父昔里鈴部

信苴日

也罕的斤

怯烈

阿禮海牙

答失拔都魯

察罕帖木兒

卜顏鐵木兒

卷之二十一

侍從一

郝經 附苟宗道

寶默

李冶

王鶚 附潤潤

王磐

徐世隆

孟攀鱗

高智耀 子膚

趙與熹 伯祖師淵

宋衡

李謙

夾谷之奇

王思廉

卷之二十二

侍從二

王暉

父天鐸

閻復

王構

父公淵  
子士熙士點

程文海

唐仁祖

祖古直

王利用

劉賡

祖肅

暢師文

父訥

袁桷

王約

劉敏中

尚野

字木魯翀

子遠

曹元用

陳頤

張起巖

宋本

弟發

謝端

巉巉

兄同回

李好文

附劉開

歸暘

附吳炳

卷之二十三

臺諫一

姚天福

高鳴

陳思濟

魏初

從祖璠

劉宣

張孔孫

崔彧

崔斌

相威

亦力撒合

陳天祥

兄祐子夔

申屠致遠

董文用

弟文忠

郭貫

郝天挺

子佑

卷之二十四

臺諫二

楊桓

李元禮

尉遲德誠

王克敬

趙師魯

秦起宗

父順

陳思謙

鎖咬兒哈的迷失

高祖增本祖阿台

曹伯啟

脫歡

張養浩

馬祖常

曾祖月合乃

月魯帖木兒

楊朶兒只

子不花

瞻思

自當

附敬述

遂魯曾

崔敬

李稷

王思誠

亦憐真班

張禎

陳祖仁

附李國鳳

卷之二十五

直諫三

附載

趙天麟

鄭介夫

黃如徵

卷之二十六

庶官一

文臣

速哥

子忽蘭

王檄

李邦瑞

劉敏

王珍

子文幹

張晉亨

兄顯子好古

王玉汝

張昉

撒吉思

馬亨

楊湜

石抹明里

祖易魯

賈背刺 孫虎林赤 曾孫禿堅不花

鐵述

背班

劉好禮

謝仲溫 父曉歡

焦德祿 父用

張庭珍 弟庭瑞

張立道

梁曾

趙炳 子仁榮

張惠

禿忽魯

朶兒赤 父幹札簪

燕公楠

昂吉兒

也先不花

郝彬

謝讓

立智理威

拜降 母徐氏

奕赫抵雅爾丁

吳鼎

王伯勝 兄伯順

答里麻

廉惠山海牙

卷之二十七

庶官二 循吏

張榮

趙天錫 子賁亨

王義



王王

子先

耶順

王善

杜豐

賈居貞

烏古孫澤

譚澄

姜或

許楫

胡祗適

程思廉

雷膺

十天璋

袁裕

張礎

脫烈海牙

耶律伯堅

段直

臧夢解

附陸厚

田滋

許維禎

王都中

父積翁  
子珍

劉德溫

諱都刺

楊景行

韓鏞

于文傳 祖宗顯

林典祖

觀音奴

白景亮

王艮

盧琦

附王大中

鄒伯顏

劉秉直

附張寬

許義夫

卷之二十八

庶官三 武職

耶律阿海 子捏兒哥 孫買哥

塔塔統阿 子力渾迷

抄思 妻張氏 子別的因 何實

郝和尚拔都

田雄 石抹孛迭兒

劉亨安 兄世英 族兄德行

趙瑁 子秉溫 李守賢 子穀

王珣 子榮祖

純只海 妻禮喜伯倫 李進

石抹按只

忙哥撒兒 孫伯答沙 劉通 子復亨

岳存

苦徵拔都兒 劉斌 子思敬

鄭溫

賈文倚 父輔 謁只里

脫歡

直脫兒 從子忽刺出 石高山

奧魯赤 祖朔魯罕 父忒木台

劉哈刺拔都魯 囊加歹

劉恩

王國昌 子通

羅璧 補朱清張瑄

楊賽因不花

劉哈刺不花

達禮麻失理

卷之二十九

皇后

烈祖宣懿皇后

太祖光獻皇后

太宗昭慈皇后

定宗欽淑皇后

憲宗貞節皇后

附也速后

世祖順聖皇后

附喃必后

成宗靜懿皇后

附卜魯罕后

武宗惠聖皇后

附妃亦乞烈氏 唐兀氏

仁宗慈聖皇后

英宗懿聖皇后

泰定帝八不罕皇后

附明宗八不沙后 妃罕祿魯氏

文宗卜答失里皇后

附憲宗答里也忒迷失后

順帝答納失里皇后

附伯顏忽都后 奇氏后

公主

烈祖女帖木倫

駙馬李禿會孫月列台

子鎖兒哈忽隣

孫札忽兒臣

太祖女火臣別吉

駙馬李禿

野立安敦

駙馬巴而木阿而忒的斤

阿剌海別吉

駙馬李要合附阿剌兀思

太宗女唆兒哈罕

駙馬納合附特薛禪

定宗女葉里迷失

駙馬君不花

子囊家台

巴巴哈兒

駙馬火赤哈兒的斤于紐林的斤

憲宗女伯雅魯罕

駙馬忽隣

皇子拖雷女也速不花

駙馬幹陳

獨木干

駙馬聶古解附鎮國

世祖女兀魯真

駙馬李花附鎮郎哈

囊加真

駙馬幹羅陳登子台附納陳

月烈

駙馬愛不花

忽都魯揭里迷失

駙馬王愷于諫孫廣

太子真金女忽答迭迷失

駙馬潤里吉思附木忽難

于木安

忙哥台

駙馬脫鐵木兒

喃哥不刺

駙馬蠻子台

成宗女亦里海牙

駙馬阿失

愛牙失里

駙馬潤里吉思

皇孫答刺麻八刺女祥哥刺吉駙馬脫羅禾嘉室利附不刺于阿里

仁宗女濶濶倫駙馬脫羅禾明宗女不答昔里附妥安輝魯魯罕

魯倫 普顏可里美思 烟合牙 月魯 拜塔沙等

卷之三

系屬

納真附海都敦必買奴上始祖系捌只哈兒元孫月魯

哈赤溫孫合丹朵列納元孫幹赤斤脫脫別里古台于罕秃忽

孫瓜都上烈祖系乃顏術赤子拔都察合台會孫秃刺

元孫阿刺忒納失里拖雷妃唆魯忽帖尼于旭烈兀

答兒麻元孫脫列帖木兒兀魯赤潤烈堅于忽察孫牙忽都

濶端孫亦憐真濶出于失烈門合失于海都篤哇孫察入兒

合丹附按只帶滅里會孫秃滿元孫太平上太宗系

玉龍答失孫徹徹禿

昔里吉子晃火帖木兒

孫徹里帖木兒

真金妃伯堅也怯赤

忙哥刺子阿難答

按難不花

南木合

忽哥赤

子也先

愛牙赤

與魯赤

孫老的罕

潤潤出

脫歡

子老章寬徹普化

帖木兒不花

孫和

甘麻刺

妃普顏怯里迷失

子松山

答刺麻八刺

妃答吉

子阿木哥

德壽

成宗系

兀都思不花

仁宗系

阿速吉八

入的麻

上泰定帝系

阿刺忒納答刺

燕帖古思

太平訥

上文宗系

愛猷識理達臘

買的里八剌

上順帝系

卷之三十一

儒學一

趙復

許衡

附耶律有尚

李俊民

張特立

李昶 父世弼

劉因 附安熙

張頴 附孔思晦

金履祥

蕭剡 附韓擇侯均

同恕 附第五居仁

董朴

卷之三十二

儒學二

吳澄 孫當

胡長孺 兄之綱之純

熊朋來 于太古

胡一桂 父方平

胡炳文 父斗元

陳櫟

黃澤

許謙

吳師道

程端學 兄端禮

武恪

卷之三十三

儒學三

郭守敬 祖榮

王恂 父良子寬 賔

楊恭懿

齊履謙

杜瑛

卷之三十四

儒學四 補遺

熊禾

胡三省

馬端臨 上朱三臣

李簡

俞琰

熊良輔

董真卿 父鼎

張理

王天與

陳師凱 附王充耘

黃鎮成

朱公遷

趙汭

李廉

敖繼公 附倪淵

陳澔 父大猷

丘葵 附呂椿

倪士毅 附汪克寬

卷之三十五

文翰一

楊奐

楊果

牟應龍 父熾



鄭滁孫 弟陶孫

危復之 附何中 陸文圭 附梁益

姚燧

趙孟頫 妻管氏 奕 陳孚 附馮子振

韓性

鄧文原 戴表元

李之紹

貫雲石 海涯 楊載 附楊剛中 李桓

元明善

虞集 父汲 弟榮 范梈

揭傒斯 子滋 孫雲

周仁榮 父敬孫 附孟夢恂 宇文公諒

李洞

曹鑑 黃潛

柳貫

吳萊 歐陽玄

陳旅 附程文 陳釋曾

劉詵 附龍仁夫 劉岳申 李季光

孫轍 附吳定翁 盧摯

杜本 張樞

蘓天爵

貢師泰 父奎 周伯琦 父應極 子宗仁

張翥

朱震亨 李杲 附張元素

卷之三十六

文翰二 補遺

黃超然

附陳應潤

王埜翁

附謝仲直

錢義方

丁易東 附陶元幹

王申子

任士林

附趙采

徐之祥

丘富國

附鄭儀孫

雷思齊

保八

吳鄴

劉整

附陳宏

朱知常

劉霖

附陳謨

朱隱老

周鼎

楊璫

附夏泰亨

劉瑾

朱倬

馬道貫

周聞孫

俞元熒

邵光祖

黃景昌

俞臯

魯震

劉彭壽

父淵

黃清老

鍾律

熊復

曹元博

單庚金

附俞冀

吳儀

毛應龍

戴良齊

史季敷

附趙有桂

雷光霆

陳深

程龍

附程直方

程煥

吳廷

聞人夢吉

陳剛

陳樵

附石一鰲

牟楷

馮翼翁

附彭絲

潘迪

薛玄

程時登

林起宗

附程復心

陳普

附韓性同

史伯璿

附詹道傳

景星

曾貫

上經學

陰幼遇

兄幼達

劉辰翁

子尚友

史蒙卿

宋无

白珽

劉應龜

元淮

袁易

附郭麟孫  
龔秀

徐鈞

胡助

姚應鳳

謝暉

方道殷

吾衍

仇遠

呂徽之

薩都刺

周權

王景賢

陳泰

朱文靈

于欽

王炎午

楊士弘

附萬白周貞

辛亥鄭大同

吳正道

史公珽

附鄭奕夫

陳大倫

李康

黃玠

葛選祿廼賢

丁鶴年

父職馬祿

沙刺班

楊少愚

附陳清隱

王立中

何失

翟炳

附王鼎賈竹

程以臨

王元杰

王逢

黃庚

蒲道源

謝宗可

岑安卿

洪希文

父德章

孟昉

劉友益

趙居信

鄭元祐

胡天游

周霆震父以道

紇石烈希元

潘音

郭鉦

舒頤

楊維禎

李祁附王禮

戴良

李延興父士瞻

王冕

張憲

周之翰

李存

甘復附甘彥初  
張可立

顧德輝附唐元

張樞

錢維善附陸居仁

張昱

陶宗儀上文學

李旬金

金應桂

龔開

鮮于樞附邊武  
吳里

柯九思

杜敬

周疑

劉致

宣昭

班惟志

周馳

周砥附馬治

朱季子附袁哀

盛熙明

申屠澈附應在等

李衍子士行

陶復初 從子宗選 王振鵬 附衛九鼎 陳仲仁

王淵 高克恭 錢選 附沈孟堅

蘓大年 倪瓚 附陳栢 黃公望 附張中

王蒙 附陳汝言 吳鎮 華光仁老 附朱德潤等

關漢卿 附馬致遠等 夏文彥 麥宗 上藝學

卷之三十七

旌德一 忠節

石珪 子天祿 李伯溫 附守正守忠 耶律忒末 子天祐

攸興哥 任志 子存 梁直膺魯華 子撒吉思上華

抄兒 子抄海孫別帖 杭忽思 妻外麻思子阿增赤 阿散真 弟捏古來

庫祿滿 從弟度刺 鄭義 弟德溫江 札忽帶 祖字罕父忽都

張萬家奴 子保童 月里麻思 附唐慶 楊傑只哥

趙阿哥潘

趙匣刺

伯八兒

子八刺不蘭奚

輩彥暉

合刺普華

父岳璠帖木爾

綦公直

子忙古台

劉天孚

蕭景茂

周鎧

附謝一魯

聶炳

附明安達爾

俞述祖

丑間

妻侯氏附馬三

闕文興

妻王醜醜

野峻台

孛羅帖木兒

兄子馬哈失力

卜理牙敦

附上都

星吉

從子伯不華

潮海

附黃紇元黃雲

胡斗

李黼

兄晃從子秉昭

魏中立

附于大本

泰不花

附李輔德赤蓋

樊執敬

僕田也先

桂完澤

附金德

王簡

妻潘氏子相

陳君用

彭庭堅

劉濬

子健

汪澤民

劉咄孫

弟燾孫與子頌

褚不華

子伴哥

王士元

子致微

卞琛

從子小十附李仲亨

旌德二 忠節

余闕 附李宗可等 道童

伯顏不花的斤 母鮮于氏

附海魯丁 蔣廣 陳受 蔡誠

全普庵撒里 附哈海赤

朶里不花 妻卜顏氏 妾高麗氏

李齊

趙璉 祖宏偉 弟琬

納速刺丁 子寶童 海魯丁

石普

盛昭

楊乘

孫搗

月魯不花 子老安 僕那海

達識帖睦邇 附普化帖木兒

韓因

張恒

喜同 附塿不台

郭嘉

趙洙 妻許氏

伯顏師聖

董搏霄

弟昂霄

王英

顏瑜 附曹彥可

鄭玉

妻程氏

福壽

附達尼達思 賀方

石抹宜孫

附邁里古思 黃中

普顏不花

附申榮

喬彞

附張嵩起

王佐

吳德新

楊樸

栢帖穆爾

迭里彌寶

附復獨步 呂復



閔本 妻程氏 女真真 拜住 祖海藍伯 趙弘毅 妻解氏 子恭

黃啤 附張庸 民頑 王遜志 張正蒙 妻韓氏 女池奴

徐猱頭 母王氏 妻岳氏 附禿堅里 王宗顯 曾元吉 禿魯 關住 黃頭 那海 戴大賁等

卷之三十九

旌德三 孝義 列女

孔洙 王閏 郭道卿 弟佐卿 子廷偉

高源 蕭道壽 附管如林 朱天祥 尹夢龍

孔全 附張子夔 趙國安 胡光遠 附龐遵 樊淵

賴祿孫 陳韶孫 李茂

羊仁 附黃覺經 章卿孫 李鵬飛 劉琦

王思聰 附劉通 徹徹坦 王初應 附施合德 石明三

楊皞 丁文忠 弟文孝 王士弘

邵敬祖

附李彥忠  
譚景星

姜兼

趙榮

劉廷讓

徐鈺

靳昂

尹莘

杜祐

張恭

孫瑾

附吳希曾

王庸

黃贊

劉源

附祝公榮

胡伴侶

哈都赤

曾德

高必達

黃道賢

張緝

附李明德

史彥斌

張紹祖

孫抑

呂祐

周樂

石永壽

劉思敬

王克已

上孝行

王薦

郭全

附劉德

扈鐸

何從義

張閏

附芮世通  
王顯政

何存義  
丁煦

劉德泉

附吳思達  
朱顯

元善

趙毓

鄭文嗣 弟太和

孫秀實 附李子敬 訾汝道

魏敬益

昔班帖木兒

趙一德 附劉信甫  
上友義

### 列女

按諸史後漢及隋止稱某妻晉唐稱某妻某北魏及元稱某妻某氏宋止稱某氏皆大書竊意本傳原為婦女而作不當大書其夫之名若止書某氏又失婦人從夫之義今書某氏而以其夫名註之庶為兩得

奴丹氏

按札兒妻  
子拙赤哥

崔氏

周术忽妻

周氏

李伯通妻

楊氏

郭三妻

秦氏二女

附孫許張三孝女

胡烈婦

劉平妻  
附王孝女

耶氏

朱甲妻

焦氏

袁天祐妻

周氏

張典祖妻

趙孝婦

霍門二婦

郭氏

王德政妻

段氏

霍榮妻  
附趙武尤三氏

茅氏

朱處妻

聞氏

俞新之妻

馮淑安

李如忠妻

王氏

李君進妻

趙哇兒

附移刺氏

葛妙真

附畏兀氏  
三女

王氏

張買奴妻

張義婦 李伍妻

丁氏 鄭伯文妻

太原白氏

王氏

趙美妻 附李冬兒

朱錦哥

趙彬妻 附王安哥

貴哥

羅五十三妻

李智貞

鄭全妻

劉氏

臺叔齡妻

蔡三玉

陳端才妻

范妙元

附趙玉兒 柳氏女

姚氏

附官勝娘

衣氏

孟志剛妻 附曹侯氏

張氏女

附高氏婦

王氏

惠士元妻 附李袁氏

蘓氏

武用妻 子德政

張氏

湯輝妻 附湯倚

禹淑靜

吳守正妻

袁氏孤女

童氏

俞士淵妻

徐彩鸞

李景文妻

李氏

丁尚賢妻

周婦毛氏

李順兒

朱氏

黃仲起妻 附女臨安奴

妾馮氏

弟妻蔡氏 乳母湯氏

王氏

焦士康妻 附趙氏女

陳淑真

附夏婉常

柴氏

陳閨夫妻

呂孀婦

附呂劉氏

劉氏

齊開妻

也先忽都

附姜玉蓮

齊氏

王履謙妻 附蕭呂二婦

蕭氏

劉公翼妻

安正同

王時妻 附姜李氏

金氏

徐程妻

潘妙圓

徐允讓妻 附王蔡氏

劉氏二女

婢鄭奴

曹氏

于同祖妻  
附妾李氏

申氏

李弘益妻  
附李安氏

羅妙安

鄭琪妻

周烈女

徐氏

狄恒妻

劉翠哥

李仲義妻

柯節婦

卜顏的斤

觀音奴妻

李賽兒

王士明妻  
女李家奴

陶宗媛

杜思綱妻  
附妹宗婉

劉氏

張訥妻  
附二氏

附華

劉氏

安志道妻

宋氏

王宗仁妻

趙氏

宋謙妻

卷之四十

旌德四

補遺

鄭鼎

董成夫

侯彥直

布景龍

羅郭佐

子震敦  
孫元珪

毛鐸

附麗典可  
樊復

張懷德

刁代

劉鶚

李純

董文彥

韓心淵

附周宏

王翕

附桑兒直班

高文鼎

附解子元  
姜天祐

梁曾甫

附花卿

賈住

附張鳳儀

鄧可賢

子一源

張恒

張友明

附游弘道周仁

王成平

陳元善

妻郭氏附雷樂

葉景仁

附李鉉馬哈麻

陳端孫

妻孫氏

羅良

張進九

趙觀光

潘伯修

周誠德

附劉公寬

王銓

劉良

附劉溶

楊椿

妻王氏

李棠卿

鄒世聞

劉受二

胡存道

附堵簡

陳謙

兄訓

李清七

弟清八

林夢正

夏璿

普元理

湯自愿

汪伯正

附胡振祖

汪日新

附程擇

許晉

子如璋

劉元謨

附張良材壽安

楊居仁

脫脫

熊義山

張昇

附鄧椿

周冕

附劉通

許則祖

舒泰

張遠 附劉天祐

陳無吝

蕭生

黃復圭

黃翊

楊本巖

子節

羅明遠

附羅次炳

彭繼凱

附袁明東

蕭同善

附彭敬叔

陳新

附孔會心

趙資

附完者都

馮文舉

妻馬氏  
附樊理翰

向景仁

父紹榮  
弟庭芳

王繼志

附東良曾  
呂震

劉以忠

附潘炎

神保

附高傳

俟列篋

邢飛翰

張仲仁

子順禮  
附姜碩

張名德

附釋家訥  
張祖信

脫歡

張輔

梅實

附朱春

齊郁

附于德文  
張俊

也兒吉尼

附陳瑜  
劉永錫

鄧祖勝

附趙元隆

張士謙

附僧住  
楊惠

吳訥

驢兒達德

附梁王母妻等

朱公選

孫德謙

蔡子英

葉蘭

陳有定

子宗海  
鄧益

附謝英輔

尹克仁  
上忠節

田喜 附繆倫

祖浩然

陳斗龍

胡景清 附顏應祐

趙應祥

周古象 妻蒙古氏

夏永慶

唐穀

朱良吉

過宗一 附番應定

廖人俊 附陳孝童

袁清吉

許敬觀

沈右

秦君昭

顧德玉

王一山 附沈蒙

顧仲庸

葉公政 上孝義

安康夫人 附安定夫人

馬氏 楊居寬妻

程鵬舉妻

戴復古妻

韓希孟 賈瓊之妻

徐君寶妻

王烈婦

韓貞女

胡妙端

阿蘊主 段功妻女僧奴

脫脫懷氏 燕帖木兒妻

傅氏 章瑜妻附史徐氏

張春兒 李青妻

秦筆妻

吳妙寧

周美 孔胥妻

張貞 周曹妻



吳良正

童師妻  
附宋妻

何婦賀氏

費元秀

朱道存妻

劉冀之

曹泰妻

楊節婦

趙烈婦

陸燾妻

謝蠲

李氏

彭九萬妻  
附趙氏婦

俞氏

黃元珪妻  
附張謝氏

徐倡婦

李哥

采那

上列女

# 卷之四十一

## 雜行

李瓊

王文統

鐵失

龔加台

禿堅

附祿余  
徽加伯

阿魯輝帖木兒

字羅帖木兒

擴廓帖木兒

上叛  
逆

李邦寧

朴不花

埜先帖木兒

上官

八思巴

附磨巴

楊璉真

附必蘭  
納識里

伽璘真

丘處機

附神志誠

張宗演

附張留孫  
吳全節

鄺希誠

附張志清

蕭輔道

附李居壽  
上釋道

田忠良

張康

靳德進父祥

愛薛

許國祥子展

孫威子拱

阿老瓦丁

附亦思馬因

阿尼哥

附劉元

迦魯納答思

上方技

補遺韓林兒

附劉福通

徐壽輝

附明玉珍

陳友諒

父普才子理

張士誠

弟士德士信

方國珍

兄國璋從子明善

弟國瑛

上羣盜國瑛

卷之四十二

附載

高麗

附新羅百濟

日本

附蝦夷

安南

附老撾

占城

附真臘暹羅

爪哇

附葛郎開婆

琉求

附三嶼馬八兒

俱藍

緬甸

附金齒

八百媳婦

附車里

西域

樓蘭卑陸

且彌劫國

蒲類

且末姑墨

郁立師

烏貪訾離

尉犁

于闐

山扞彌危須

皮山

渠勒

莎車

疎勒

無雷

烏花

捐毒

渴盤陀

依耐

蒲犁

西夜

蜀賓

難兜

尉頭

渴盤陀

續弘明錄

卷之四十二

七

朱俱波 女國 安息 烏弋山離 條枝 吐火羅

拏怛 護密多 媽塞 謝颶 俱蘭 康居 大安

丁靈 奄蔡 栗特 石 五識 郅支 大宛 破落那

波斯 勃律 摧瑟德 大食 車師 師郎 畏吾兒 欽察

判汗 大秦 僬僥 印度 牙濟 伽兒 黎 師子 滑

默德那 天竺 骨咄 焉耆 卽別失八里 木剌奚

乞石迷 烏菴 密乞兒 富浪 失羅子 兀林 苗人

報達 天房 白蠻 焚 蠻 盧鹿 卽保羅

大理 附烏蠻 九溪十八洞 焚 蠻 盧鹿 卽保羅

吉利吉思 附昂刺 烏斯 城哈納 謙州 益蘭州

續弘簡錄元史類編卷之一

皇清詹事府少詹事仁和邵遠

世紀一

太祖皇帝諱鐵木真姓奇渥溫氏蒙古部人十一世祖曰脰奔

咩哩健妻曰阿蘭果火夜寢帳中夢白光自天而下化金色神

人趨臥榻遂驚覺有娠生子曰孛端父兒

大方通鑑云阿蘭夜寢屢有光明照其腹

一乳三子長曰孛完合答吉次曰孛合撒赤孛端父兒其季也

狀貌奇異沉默寡言家人謂之

癡阿蘭獨曰此兒非癡後世子孫當有大貴者歷四世曰海都

家爲押刺伊兒部所破止海都存其季父納真率八刺忽怯谷

諸民共立爲君長海都旣立轉攻押刺伊兒部役屬之形勢寢

大列營帳于八刺合黑河上跨河爲梁以便往來由是隣部歸

者漸衆其後子孫蕃衍各自爲族曰哈答吉曰散只兒曰吉狎

又謂之札卽刺氏彼此不相統屬傳五世曰也速該并吞諸部  
勢愈盛也速該歿世祖至元三年追諡爲烈祖神元皇帝是爲  
元之始祖初烈祖攻塔塔兒部獲其長鐵木真還次跌里溫盤  
陀山而宣懿太后月倫適生帝手握凝血如赤石烈祖異之因  
名曰鐵木真志武功也及烈祖崩帝方幼時蒙古部有泰赤烏  
有札木合又有克烈乃蠻諸部唯泰赤烏強衆多歸之而札木  
合部者與帝麾下有隙

聖武親征記云時帝麾下斡只別居薩里川札木合部人禿台察兒居玉律哥

泉舉衆來掠斡只馬斡只麾下左右匿

詳馬中射殺之札木合以是爲隙遂與泰赤烏合謀以衆三

萬來攻帝與母月倫分部人爲十三翼大戰破走之泰赤烏地  
廣民衆無紀律諸部多苦其非法見帝寬仁謀曰鐵木真太子  
衣人以已衣乘人以已馬真我主也多相率慕義來降是時西  
北諸國皆附金會塔塔兒叛金帝自斡難河帥衆會金師擊殺

其渠長金主以功授帝為察兀禿魯

猶言招討使也

克烈部長名脫里

者史稱汪罕者誤受金爵為王

親征記云金遣丞相完顏襄帥兵逐叛者北走上聞之遂起兵自幹難河迎討

與戰于納刺禿失圖之野獲大珠金銀綳車各一

金主授帝為察兀禿魯並冊克烈部長脫里為王初脫里多戮

辱兄弟其叔父菊兒攻之僅百餘騎來奔烈祖親將兵逐菊兒

奪還其部眾脫里德之遂請盟稱按答

猶言交好之友

既而脫里之弟

叛歸乃蠻其部長為發兵伐克烈復奪其眾脫里走中道糧絕

困乏甚帝以其與烈祖交也親迎撫勞之為伐蔑里乞部取其

資財田禾遺之脫里見部眾稍集遂不告於帝自率兵再攻蔑

里乞大掠而還於帝一無所遺帝不以屑意會乃蠻卜魯欲可

汗

通鑑及親征記皆作孟禱可汗以音相近也

不服帝復與脫里合兵攻之時札木

合起兵援乃蠻見乃蠻敗欲帝與脫里有隙乃言於脫里曰我

於君為白翎雀他人如鴻雁耳白雀寒暑常在北方鴻雁遇寒

則南飛就暖謂帝心不可保也脫里聞之疑乃移部衆於別所

征記云上與脫里征孟祿可汗至黑辛八石之野敵遣也的

不魯領百騎爲前鋒我軍逼之走據高山其馬騎轉墜擒之

上與乃蠻將遇于拜答刺邊只見之野日暮列陣對宿是夜

脫里多燃火于所陣地示人不疑潛移衆于哈薩兀里河上見

脫里移去曰此輩無乃異志乎亦解去駐撒里川脫里至土兀

刺河乃蠻乘其不備鹵其邊民輜重脫里命其子亦刺合將兵

追之且遣使來告曰乃蠻不道掠我人民太子有四良將能假

我雪恥乎上釋前憾遂遣博兒木木華黎博羅渾赤老溫四將

往救大敗其衆盡奪所掠還之脫里謝曰曩以困乏來歸未幾

荷太子加意存撫今已亡之國又奪之歸不知將何以報

帝與脫里議昏各不成札木合復乘間謂脫里子亦刺合曰鐵

木真太子嘗通信乃蠻將不利於君父子君能加兵我當陰爲

助亦刺合數言於其父脫里信之歲癸丑疑按下文遂舉兵來侵

帝擊敗之親征記云牧人乞失力夜馳告上止軍阿蘭塞急移

忽刺河上魯哈二山來上移軍合關只之野整兵出戰屢敗之

脫里子亦刺合來衝陣射中其頰上將兵四千六百騎分兩隊

行駐軍遣使責脫里曰君爲菊兒所逐困迫來歸吾父卽攻菊

兒敗之于河西收其土地人民以與君其功一也君爲乃蠻所  
攻西奔日沒處君弟札阿紺卜在金境我亟遣人召還比至又  
爲蔑里乞部人所逼我使兄弟往殺之其功二也君貧餒無依  
我歷取各部羊馬資財盡以奉君其功三也君不告我往掠蔑  
里乞大獲而還未嘗纖毫分我及君爲乃蠻所傾我遣四將奪  
還爾人民重立爾國家其功四也我征朶魯班等五部如海東  
驚禽之於鴻雁見無不獲獲則必致於君其功五也今乃易恩  
爲讐忍加兵於我哉遂整兵至班朱尼河河水方渾帝飲之以  
誓衆曰使我克定大業當與諸君同甘苦苟踰此言有如河水  
凡與飲者謂同飲渾河水時脫里勢强衆頗危懼與戰于哈蘭  
真沙陀之地脫里敗走路逢乃蠻將爲所殺克烈部由是遂滅  
帝大獵振凱歸時乃蠻卜魯欲可汗弟太陽可汗心忌帝遣使



民豈有二王邪君能益吾右翼吾將奪其弧矢也阿刺忽思執其使來告帝與約同攻乃蠻歲甲子大會于帖麥該川群臣以方春馬瘦爲言皇弟斡赤斤曰事所當爲斷之在早乃蠻欲奪我弧矢是小我也彼恃其强大攻其不備可克也帝悅遂進兵太陽可汗合諸部兵來拒營于沆海山欲誘帝深入然後戰而擒之其將火力速八赤曰先王戰伐勇進不回馬尾人背不使敵見今爲遷延計得非怯乎太陽可汗怒卽躍馬索戰時札木合部長將援乃蠻見帝軍整懼先遁帝與乃蠻軍大戰至晡禽殺太陽可汗諸部軍皆潰餘衆悉降先是蒙古居烏桓之北與乃蠻回鶻接壤世修貢于遼金號微弱至是滅克烈降乃蠻兼收朶魯班塔塔兒哈答吉散只兒四部駸駸乎稱雄矣歲乙丑

帝伐西夏拔力吉里寨經落思城而還

按元世皆稱王爲罕其

諧一音究與卜魯欲罕太陽罕同一王字卽漢史所稱可汗是也而舊史不察竟稱汪罕亡其名與部今皆書脫里之名而冠

以克烈部以正因此訛之失

元年丙寅十二月帝大會諸部長建九旂白旗卽皇帝位於幹

難河之源

在遼東三萬衛北

群臣共上尊號曰成吉思可汗實宋寧宗

開禧二年金主璟泰和六年也帝旣卽位復發兵征乃蠻擒卜魯欲可汗會太陽可汗子屈出律與蔑里乞部長脫脫奔也兒的石河上乃蠻部遂滅時金主惡蒙古強多殺其宗親帝陰欲復讐乃決計伐金首命木華黎博爾朮爲左右萬戶謂曰國內平定汝等之力居多我與汝如車之有輔身之有臂也汝等宜體此勿替初心

二年丁卯秋再征西夏克幹羅孩城

三年戊辰帝至自西夏夏避暑龍庭冬再征脫脫及屈出律時  
幹亦剌等部降因用爲向導攻蔑里乞部滅之脫脫中流矢死  
屈出律奔契丹

四年己巳春畏吾兒國來歸

卽唐之高昌國主亦都護遣官來議和時蔑里

乞脫脫子火都赤刺溫馬札兒禿薩干四人取脫脫首奔

畏吾亦都護拒之與戰于斡河遣使來告尋貢珍寶方物帝入

河西屢敗夏師進薄中興府夏主李安全納女請和

五年庚午春帝遣將遮別

一作哲伯

襲金烏沙堡遂畧地而東初帝

未建號時尚稱藩于金會進歲幣金主使衛王永濟

原名允濟後避顯宗

諱改

受貢于靜州帝見其庸懦不爲禮及金主璟殂永濟嗣位

有詔至使者令下拜帝問新君爲誰使者曰衛王帝不顧而唾  
卽乘馬北去永濟聞之怒欲俟帝入貢圖之帝覺遂與金絕數

侵掠其西北鄙

六年辛未春帝居怯綠連河西域哈刺魯部主阿昔蘭來降二月帝自將南伐取金大水濚豐利等縣金主懼遣使乞和不許續綱目云初金納哈買住守北鄣知蒙古將侵邊奔告金主曰近見蒙古隣部附從西夏獻女而造箭製盾不休凡行營則令男子乘車蓋欲恤馬力也非圖我而何金主以其擅生邊隙因之及蒙古侵擾雲中九原破大水濚以進金主恐始釋買住而遣使金復築烏沙堡秋七月命遮別攻拔之綱目云金主命平求和金復築烏沙堡秋七月命遮別攻拔之章獨吉千家奴參政完顏胡沙行省事于撫州留守紇石烈胡沙虎行樞密院事以禦蒙古比至烏沙堡未設備蒙古兵奄至拔其堡及烏月谷乘勝破白登城遂攻西京凡七日金兵大敗追至翠屏山遂取西京及桓撫州八月帝敗金師于宣平之會河間九月拔德興府居庸關守將遁遮別遂入關薄燕京金衛卒殊死戰帝引却乃襲群牧監驅其馬而還遣皇子术赤察合台窩濶台分徇雲內東勝武朔豐靖等州下之是冬屯軍金之北境夏主李安全卒族子遵頊立改元光定七年壬申春正月故遼人耶律留哥取金遼東諸境自號都元

帥遣使來附帝破桓撫奉聖等州師次野狐嶺金將紇石烈完

顏九斤等率兵號四十萬來援與戰于權兒嘴大敗之綱目資治通鑑

俱作上秋圍金西京今大府帝中流矢遂撤圍親征記云所克德興府諸城堡金人

復收冬十二月遮别克金東京今奉天府

八年癸酉秋七月帝克宣德德興二府進至懷來及金行省完

顏綱左監軍高琪戰敗之乘銳至古北口金兵退保居庸帝留

可忒薄剌頗兵拒守而自以衆趨紫荆關敗金師于五回嶺拔

涿易二州分命遮别反自南口攻居庸破之出古北與可忒薄

剌軍合八月金胡沙虎弑其主永濟迎立昇王珣改元貞祐時

帝兵東過平灤南至青滄由臨潢涉遼河西南至忻代皆爲所

有而帝欲留中都今順天府以困金乃分軍屯其城北號北軍

陽綴之而陰發兵三道命皇子术赤等爲右軍循太行而南破

保州中山邢洺磁相衛輝懷孟諸郡徑抵黃河掠平陽太原間  
皇弟哈撒兒等爲左軍遵海而東破欒剌掠遼西之北帝與皇  
子拖雷爲中軍由中道破雄漠青滄景獻河間濱棣濟南等郡  
綱目云時僉鄉民上城爲兵蒙古盡驅其家屬來攻父兩河山  
子兄弟往往遙相呼認由是人無固志凡破九十餘郡東數千里城郭丘墟唯燕京通順真定青沃大名東平德邳海  
州十一城未下是冬帝復至燕京三道兵還合屯大口以逼中  
都十二月師徇觀州金刺史高守約死之

九年甲戌春三月復與北軍合圍燕京諸將請乘勝破燕而帝  
欲遺孤城不取俾力守以困之遣使謂金主曰今山東河北諸  
境悉爲我取所存惟燕京耳天旣弱汝我不忍迫人于險我今  
還軍汝當犒師以弭諸將之怒金主復請和許以故主永濟女  
及金繒童男女爲獻帝遣使如金逆女旣成昏北還金丞相完

顏福興送帝出居庸至野麻池而返夏五月金主遷都于汴命  
平章完顏承暉及左丞抹撚盡忠輔太子守忠留中都帝聞之  
怒曰旣和而遷是有疑心而不釋憾也復興師南伐所過州郡  
皆下金彰德知府黃樞九住懷州節度使朱辰嵐州節度使烏  
古論仲溫順州勸農使王晦懿州節度使高閭山皆死之六月  
金虜軍反衆推斫答爲帥遣使乞降凡二十五年帝方怒  
金南遷遂遣石抹明安援斫答合兵圍中都秋七月金主并召  
太子守忠之汴冬十月命木華黎征遼東錦州張鯨殺其節度  
使自稱臨海王遣使來附始置行尚書省于宣平以撒沒哈領  
之統金降民

十年乙亥春正月金副元帥蒲察七斤自通州以其師降二月

木華黎由大定府進兵北京

在遼東舊大寧城  
迤北初名中京

金元帥寅答虎

以城降遂逼興中府元帥石天應相繼降

以上通鑑綱目俱作上年事

金主

遣兵救燕至霸州大潰守將史天倪率所部降夏四月張鯨謀

叛被殺鯨弟致復據錦州僭號漢興皇帝改元興龍

綱目云自稱瀛王

五月金燕京留守完顏承暉仰藥死抹撚盡忠棄城走石抹明

安入城焚宮室火月餘不息蓋圍中都三年而克之

續文獻通考云初平

燕京以金樞密院為宣聖廟

時帝方避暑桓州聞燕陷遣使勞明安等輦其

府庫之實北去秋七月金遣使求和帝謂撒沒哈曰譬如圍場

中獐鹿吾已盡取之矣獨餘一兔舍之何害撒沒哈言不可因

遣人諭金主以河北山東未下諸城來獻及去帝號封為河南

王當罷兵金主不從授史天倪右副都元帥賜金虎符命南征

金虎符者符跌為伏虎形首為明珠有三珠二珠一珠之別千戶金符百戶銀符為定制

八月天倪取平州

金經畧使乞住降木華黎遣史進道等攻廣寧府降之冬十月



金宣撫蒲鮮萬奴據遼東僭稱天王國號大真改元天泰十一

月耶律留哥來朝是年取金城邑凡八百六十有二

十一年丙子春帝還廬朐河行宮夏取金曹州及霍山諸隘秋

遣撒里知兀解等帥師由西夏趨關中遂越潼關拔汝州等郡

直抵汴京還至陝州適河水合遂渡而北綱目云蒙古主駐軍魚兒濼遣三合拔都

將萬騎自西夏走京兆以攻潼關不能下乃由嵩山小路趨汝州遇山礮輒以鐵鎗相鎖連接為橋以渡直趨汴京金主急召

花帳軍于山東擊敗之乃還冬十月蒲鮮萬奴降既而復叛僭稱東夏木華

黎克錦州殺張致遼西平續資治云張致降金金命行北京路元帥事錦州被圍其監軍高益縛致

出降木華黎殺之師徇延安金經畧使奧敦醜和尚死之入潼關節度

使泥龐古蒲魯虎死之

十二年丁丑秋八月以木華黎有佐命功拜太師封魯國王統

領番漢諸軍謂曰太行以北朕自經畧太行以南卿其勉之賜

大駕所建九旂旗諭諸將曰太師建此旗以出號令如朕親臨也始置行省于燕雲以圖中原於是木華黎得專征齊晉南攻遂城蠡州下之冬克大名府東定益都臨淄登萊等州師取汴城潞密二州金守將任福都統馬甫節度使完顏寓皆死之十三年戊寅秋八月兵出紫荆口獲金將張柔授河北都元帥木華黎自西京入河東克太原平陽及忻代澤潞汾霍等州金監軍烏古論德升納合蒲刺都叅議王良臣節度使完顏訛出虎元帥劉仲亨皆死之行尚書省李華自殺帝既定燕都求遼宗室得耶律楚材一見偉之卽留侍左右是年伐西夏圍興州夏主李遵頊奔西涼

十四年己卯春張柔取祈陽曲陽等城深冀以北鎮定以東悉望風來附夏六月西域殺使者帝率師親征取訛答刺城擒其

長哈只兒秋木華黎克尙嵐吉隰等州進屠絳州金節度使伯德崧哥判官郭秀縣令喬天翼皆死之

十五年庚辰春三月帝克蒲華城夏五月克尋思干城

湛然居士集云

尋斯干城在西城西戎梭里禮故宮在焉遼目爲河中府

秋克幹脫羅兒城木華黎畧地至

蒲城金恒山公武仙以真定降命史天倪權知河北西路兵馬事仙副之東平嚴實籍彰德大名磁洺等三府六州戶三十萬來降木華黎攻東平不克留實守之撤圍趨洺州分徇河北諸地金泰定軍節度使完顏畏可死之

十六年辛巳春帝攻卜哈兒薛迷思干等城皇子朮赤攻養吉

干八兒真等城並下之夏四月駐師鐵門關

綱鑑大全云在撒馬兒國碣石城西

金遣使烏古孫仲端奉書求和請稱帝爲兄不允金東平行省忙古棄城遁嚴實入守之宋亦遣苟夢玉來鐵門請和六月宋

漣水忠義統轄石珪以衆降秋帝攻班勒統等城皇子术赤察  
合台窩濶台分攻玉龍傑赤等城下之冬十月拖雷克馬魯察  
葉可馬魯昔刺思等城木華黎由東勝渡河而西夏主懼遣塿  
哥甘普將兵五萬屬焉克葭州取綏德進攻延安不下遂移師  
取鄜州金節度使六斤女奚列資祿都監紇石烈鶴壽蒲察婁  
室皆死之十一月宋安撫使張林以京東諸郡降命林行山東  
東路元帥府事是歲耶律楚材進庚午元曆帝以楚材遠天人  
之學顧謂皇子窩濶台曰此人天賜我家爾後軍國庶政悉以  
委之必無負也

十七年壬午春拖雷克徒思匿察兀兒等城還經木剌彝國大  
掠之渡撈撈關河由也里等城來與帝會合兵攻拔塔里寒寨  
木華黎軍克乾涇邠原等州攻鳳翔不下夏西域主札闐丁出  
續通鑑綱目

奔與滅里可汗合帝自將擊之擒滅里札闌丁遁去秋金復遣  
烏古孫仲端來見帝于回鶻國帝曰向欲汝主授我河朔地彼  
此當罷兵汝主不從今河朔旣爲我有關西數城未下者其割  
付我令汝主弗失爲河南王可也仲端承命去木華黎徇青龍  
堡金平陽公胡天作降取牛心寨知吉州楊貞盡室墜崖死冬  
取河中府以石天應爲兵馬都提控守之尋爲金兵所襲殺  
十八年癸未春三月木華黎卒于聞喜夏帝避暑八魯彎川木  
赤等以兵來會遂定西域初置達魯花赤譯言掌印官也監治郡縣冬  
十月金主珣殂子守緒立改元正大是年夏主李遵瑱傳國于  
子德旺改元乾定大將速不台擊欽察大掠西番邊鄙而還  
十九年甲申夏宋總管彭義斌侵河北史天倪敗走之帝至東  
印度國用端見遂班師

綱目云進薄回回國其王逃深嶺不旬日庚死進次所都國鐵門關大掠始還

秋八月宋寧宗崩無子以榮王子昀嗣位是爲理宗

二十年乙酉春正月帝還行宮

親征記云自出師至此凡七年

二月武仙以真

定叛殺史天倪天倪弟天澤討仙擊走之遂復真定宋彭義斌以兵應仙天澤擊斬之冬十月武仙襲據真定天澤奔棗城

二十一年丙戌春正月帝自將伐西夏取黑水等城夏定甘肅

州秋克西涼府擄羅河羅諸縣遂踰沙陀至黃河九渡取應里

等邑史天澤夜赴真定合兵攻武仙仙走西山抱犢砦九月宋

京東路總管李全執張林郡王帶孫圍全于益都冬十一月帝

攻靈州五星聚見於西南駐師鹽州川十二月李全以青州降

授全山東淮南行省

通鑑綱目皆作下年事

是歲皇子窩濶台及察罕之

師圍金南京

今開封府卽汴京

夏主德旺卒從子覲立

二十二年丁亥春帝留兵攻夏王城自帥師渡河下積石州三

月破臨洮府及洮河西寧二州金節度使完顏愛申總管陀滿

胡土門知州陳寅皆死之遣國王幹陳那顏那顏國之稱拔信都府

夏四月帝次龍德取德順等州六月金遣使求和帝謂群臣曰

朕自去冬五星聚時已嘗許不殺遽忘下詔耶今可布告中外

令彼行人亦知朕意夏主李覲降執之以歸遂滅夏通考云以河西高智

釋言徵用西夏舊樂帝次清水縣西江秋七月壬午不豫已丑崩于薩里

川哈老徒之行宮臨崩謂左右曰金精兵在潼關南據連山北

限大河難以遠破若假道于宋宋金世讐定能許我則下兵唐

鄧直搗大梁金急必徵兵潼關然以數萬之衆千里赴援人馬

疲敝雖至弗能戰破之必矣後卒如帝言壽六十六葬起輦谷

谷在漠北不加築爲陵諸帝皆從葬于此世祖至元二年追謚聖武皇帝武宗至大

二年加謚法天啟運聖武皇帝廟號太祖

戊子爲宋理宗紹定元年金主守緒正大五年四太子拖雷監國春三月師入大昌原及金忠孝軍提控完顏陳和尚戰敗績金使完顏麻斤出來弔喪

冊曰天造鴻圖艱難開創渾河啟源用端呈像芟夏賊金電掃莫抗櫛沐廿年驅指四將止殺一言皇猷彌廣

## 世紀二

太宗皇帝諱窩濶台太祖第三子母光獻皇后弘吉刺氏初太祖有六子長朮赤次察合台三卽帝四拖雷五曰兀魯赤六曰濶列堅當太祖伐金定西域帝攻城畧地之功居多太祖遺命以帝嗣位時帝不在左右及訃至始自霍博之地來會喪

元年己丑夏帝至忽魯班雪不只之地母弟拖雷來見秋八月

諸王百官畢會乃遵遺詔卽位于和林

和林本唐回鶻毗伽可汗故城西有和林河故



名自太祖定河北卽建都于始從耶律楚材議立朝儀俾皇族此爲會同之所後改和寧路尊屬各就列拜金遣使來歸賄帝曰汝主久不降使先帝老于兵間吾豈能一日忘也賄何爲哉遂議伐金敕蒙古民有馬百者輸牝馬一牛百者輸犍牛一羊百者輸粉羊一著爲令冬十二月大將赤老溫帥師圍慶陽金移刺蒲阿救之圍遂解始定算賦中原以戶計西域人以丁計蒙古以馬牛羊計各出賦調始置倉廩立驛傳印度木剌夷二國主來朝西域伊思八刺納城部長來降以史天澤統真定河間大名東平濟南五路漢軍劉黑馬統平陽宣德等路漢軍俱爲萬戶

初得中原號其民爲漢軍凡二十丁出一

辛年二十以上者充之

二年庚寅春正月定諸路稅法酒課驗實息十取一雜稅三十

取一

通考云始行鹽法每鹽一引重四百斤價銀十兩

遣兵圍京兆拔其城秋七月帝

自將入陝西命太弟拖雷皇姪蒙哥率師從取天成等堡砦六十餘所遂渡河趨鳳翔冬十一月立燕京宣德西京太原平陽真定東平北京平州濟南十路課稅所設使副二員詔諸路州縣長吏專理民事萬戶府專總軍政課稅所專掌錢穀各不相統攝師攻潼關蘭關不克十二月拔天勝寨及韓城蒲城

三年辛卯春二月克鳳翔並下洛陽河中諸城李全攻宋揚州敗死全將國安用從全妻楊妙真走山東來歸命全子瑄襲山東行省授安用爲都元帥夏五月帝將合南北軍攻汴命拖雷先趨寶雞遣行人速不罕詣宋假道淮東以擣河南從太祖命也至沔州宋統制張宣誘殺之秋八月帝幸雲中始立中書省以耶律楚材爲中書令粘合重山爲左丞相鎮海爲右丞相改侍從官名冬十月帝圍河中府拔之金僉樞密院草火訛可被

擒死拖雷聞宋殺使者卽移師伐宋破興元入大散關直趨饒風關軍民散走死于沙窩者數十萬

四年壬辰春正月帝自河中由河清縣白坡渡河會拖雷已渡

漢江遣使來告卽詔諸軍進發入鄭州次新鄭拖雷及金師戰

于鈞州之三峰山金師大潰

張翥題金臺集云三峯之役金師三十五萬來拒忽中夜大雪戈戟

弓矢凍不能施我師一鼓殲之

帝親至三峰攻克鈞州獲金將完顏合達完顏

陳和尚殺之乃使與師言曰汝所恃惟黃河與合達爲長城耳

今我殺合達據黃河不降何待遂下商虢嵩汝等州金盡撤秦

藍諸關兵援汴金守將李平以潼關降師遂長驅入陝金行省

徒單兀典死之三月命速不台圍南京金主遣弟曹王訛可入

質請和帝北還仍留速不台守河南以攻金國安用叛歸金金

封爲克王秋七月遣行人唐慶至金諭降金殺之和議遂絕金

主棄汴如河北金河解元帥趙偉襲殺陝州行省以城降九月

太弟拖雷薨于師帝還龍庭冬十二月如太祖行宮

後累朝皆有行宮各

設衛士給事如在位時

使宣撫王檄至宋議共伐金宋遣鄒伸之報謝帝

許俟成功以河南地歸宋

五年癸巳春正月金主濟河次蒲城與史天澤戰于衛州白公

廟大敗金主奔歸德金西面元帥崔立殺留守等以南京降二

月命皇子貴由及諸王按赤帶討蒲鮮萬奴于遼東夏四月速

不台進至青城崔立執金太后王氏后徒單氏及荆王從恪梁

王守純等五百餘人至軍中速不台殺二王及其族屬而送后

妃等于和林遂入汴城並取崔立婢妾寶玉以出六月金主奔

蔡州命增察兒率師圍蔡詔求孔子後以五十一世孫元措襲

封衍聖公括中州戶得七十三萬師克洛陽金中京

今河南府留守

強仲死之是秋蒲鮮萬奴就擒冬十一月宋遣荆鄂都統孟珙帥師二萬運糧三十萬石來會伐金取唐州守將烏古論黑漢戰死城遂降十二月諸軍與宋軍合攻蔡敕修孔子廟及渾天儀涇溪集云太宗卽位之五年新建國子學于燕京御製宣諭二通并賜宣聖王尊命提舉學事者司之徐州軍降金行省丞相完顏賽不死之國安用自殺

六年甲午春正月金主得位於內族子承麟遂自經

內族卽宗室金避世

宗父宗堯諱故改

蔡州下承麟爲亂兵所殺金亡以陳蔡東南地分屬

宋各引師歸命劉福爲河南道總管夏五月帝在達蘭達葩之地大會諸王百僚設條令曰凡當會不赴而私宴者斬諸出入宮禁各有從者男女止以十人爲朋毋得相襍軍中凡十人置甲長聽其指麾專擅者論罪其甲長以事來宮中卽置權攝一人諸公事非當言而言者拳其耳再犯笞三犯杖四犯論死諸

千戶越萬戶前行者以木鏃射之百戶甲長諸軍有犯其罪同不遵者罷斥今後來會諸軍甲內數不足卽於近翼抽補諸人或居室或在軍毋敢喧呼凡來會用善馬五十疋爲一羈守者五人飼羸馬三人守乞烈思三人

乞烈思謂禁外繫馬所也

盜馬一二匹者

卽論死諸人馬不應絆於乞烈思者輒沒與畜虎豹人諸婦人

製質孫燕服不如法

質孫猶言一色服也內庭大宴則服之及精粗上下制雖不同必上賜而後敢服及

妬者乘以騾牛徇部中論罪卽斂財爲更娶秋七月以胡土虎

那顏爲中州斷事官遣達海紺卜征蜀宋圖復三京遣淮東制

置使趙葵知廬州全子才會兵趨汴速不台聞宋來爭河南還

師赴之決黃河寸金淀之水灌宋軍多溺死秋八月引兵至洛

陽趙葵等棄汴走冬十二月再使王楫詣宋責敗盟宋復遣鄒

伸之報謝

七年乙未春城和林作萬安宮城周五里命諸王拔都及皇子貴由皇姪蒙哥征西域皇子濶端征秦鞏皇子曲出及胡土虎伐宋諸王口溫不花取江淮張柔畧漢口冬十月曲出拔宋棗陽軍遂徇襄鄧入郢十一月濶端攻石門金鞏昌總帥汪世顯降遂入沔州宋知州高稼死之

八年丙申春正月初行交鈔法以萬錠爲額夏六月括中原戶口命大臣忽都虎領之得續戶一百一十餘萬

初太祖銳意圖中原所得城邑

悉分與將士至是民始隸州縣

帝欲以真定民戶奉太后湯沐諸州戶分賜諸

王貴戚耶律楚材言非便乃各置官收其租額之遂定賦法每

二戶出絲一斤供官用五戶出絲一斤給受賜諸王貴戚家上

田每畝稅三升半中田三升下田二升半水田五升商稅三十

取一爲永額

通考云令諸路驗民戶成丁之數無丁歲科粟又一石驅丁五升新戶丁驅各半之老幼不與

從楚材言立編修所于燕京經籍所于平陽編集經史名儒士  
梁陟充長官王萬慶趙著副之使直釋九經進講東宮且令大  
臣子孫執經聽講秋七月濶端率汪世顯等取蜀斬宋統制曹  
友聞于陽平關遂入成都招降利州潼川諸路宋守臣劉銳趙  
汝鼎死之冬十月皇子曲出薨張柔攻郢州拔荆門軍宋襄陽  
將王旻李伯淵焚其城以降得民戶四萬七千有奇財粟三十  
萬軍器二十四庫以游顯領襄陽樊城事師至江陵宋統制李  
復明死之

九年丁酉春蒙哥征欽察破之擒其長人赤蠻進圍幹羅思蔑  
怯思部皆降夏四月築掃隣城作迦堅茶寒殿在和林北七十餘里秋八  
月命劉中楊奐試取諸路儒生被俘爲奴者亦就試其主匿弗  
遣者死分經義詞賦論爲三科凡得士四千三十人復其家



通鑑云選汰僧道試經冬宗王口溫不花入淮西下光州遂別  
通者始給牒許入寺觀攻蘄州降隨州畧地至黃州宋懼請和乃還是年始制軍符驛  
券給諸王百司印

十年戊戌夏襄陽別將劉義叛執游顯等降宋宋復取襄樊五  
月築固蘇湖城作迎駕殿去和林三十餘里秋八月以諸路旱蝗免今

年田租仍停徵舊未輸者從行省楊惟中請建太極書院及周

敦頤祠于燕京以程顥程頤張載楊時游酢朱熹六子配由是

河朔知有道學

通考云以衍聖公孔元措言收錄金太常故臣及禮冊樂器得金掌樂許政及樂工翟則等九

十二人始命

制登歌樂

十一年己亥夏濶端軍至自西川秋七月游顯自宋逃歸八月  
元師埕海將兵入蜀宋制置使丁黼陳隆之死之遂取漢中簡  
眉閬蓬等州遂寧重慶順慶等府尋引還

十二年庚子春正月貴由克西域未下諸部遣使奏捷詔班師命張柔等八萬戶分道伐宋冬十二月以回鶻人奧都剌合蠻提領諸路稅課所放諸王大臣俘獲男女爲民

十三年辛丑春二月帝獵于揭揭察哈之澤有疾赦天下罪囚命牙老瓦赤行省事于燕京專領漢民公事冬十一月丁亥帝大獵五日還至鉞鐵鐸胡蘭山進酒歡飲極夜乃罷遲明崩于行殿壽五十六葬起輦谷追諡英文皇帝廟號太宗

壬寅六皇后稱制之元年春正月蒙古將耶律末哥也可那顏自京兆取道商房入蜀攻瀘州二月燕京行省郎中姚樞棄官隱輝州秋七月張柔自五河口渡淮攻揚滁和等州冬十月入通州屠其民而去

癸卯六皇后稱制之二年春正月張柔分兵屯田于襄城夏五

月熒惑犯房秋后命張柔總兵戍杞

甲辰六皇后稱制之三年大王按只台以領濟南軍元帥孟德爲萬戶命攻濠泗蘄黃等州夏五月耶律楚材卒

乙巳六皇后稱制之四年后命馬步軍都元帥察罕會張柔侵掠淮西攻壽州拔之進攻泗州盱眙及揚州宋制置使趙葵請和乃還遣阿母罕將兵征高麗克威州平鹵城

冊曰嗣業恢基續緒立制五載滅金十路命使定賦崇儒用昌厥世仁厚恭儉時稱平治

### 世紀三

定宗皇帝諱貴由太宗長子也母曰六皇后乃馬真氏以丙寅年生帝太宗常命從諸王伐金西征阿速境及殲蒲鮮萬奴皆有功初太宗有旨以皇孫失烈門嗣位失烈門者太宗第四子

曲出之子也及崩議所立后不遵遺詔自臨朝稱制者幾五年乃召諸王百官會答蘭答八思之地議立帝久不決諸王將謀亂會雷雨大作行帳水深數尺遂各散去

元年丙午爲宋理宗淳祐六年秋七月帝卽位于汪吉速滅禿里之地朝政猶出母后冬權萬戶史權等耀兵淮南克虎頭關寨進圍黃州

二年丁未春張柔攻泗州秋八月命野里知吉帶率搠思蠻部兵西征詔蒙古戶每百以一名充拔都魯猶言勇士也九月取太宗宿衛之半以野曲門答兒領之冬十月括人戶

三年戊申春三月帝崩于橫相乙兒之地大方通鑑作胡眉斜陽吉兒壽四

十三葬起輦谷追諡簡平皇帝廟號定宗夏四月皇后斡兀立海迷失氏復抱太孫失烈門臨朝稱制

已酉皇后稱制之元年

庚戌皇后稱制之二年時法度無統加以連歲大旱河水涸野草自焚牛馬死者十八九人不聊生諸王及各部又遣使于燕京迤南諸郡徵求貨財或于西番回鶻索珠璣海東取鷹鷄驛騎絡繹內外離心政無可紀

按太祖之後拖雷監國者二年太宗之後皇后臨朝者又幾四年前後凡九年無君而歲序自不可闕亦猶春秋無事必書首時之義云爾

### 世紀四

憲宗皇帝諱蒙哥太祖之孫四太子拖雷長子也母曰亦怯烈氏以戊辰十二月三日生帝太宗嘗撫爲子拖雷薨乃命歸藩邸屢從征伐立奇功有欽察部者去中國三萬里夏夜極短日甕沒輒出俗勇猛青目赤髮帝帥師攻破之其渠長八赤蠻逃海島帝亟進師至寬田吉思海會大風刮海水淺可渡帝喜曰

此天開我道也遂進擒之甫班師而水至後軍有浮渡者復征  
斡羅思部至野烈贊城躬自搏戰破之素爲諸軍畏服定宗崩  
至是三歲無君中外人心咸屬意于帝諸王拔都莫哥阿里不  
哥及大將兀良合台等咸會議所立拔都首先推戴時定宗后  
所遣使者八刺在坐爭曰失烈門皇孫也先帝嘗言其可君天  
下今故在而議他屬將置之何地莫哥曰太宗有命誰敢違之  
然拔都固亦遵先帝遺言也初帝之幼也太宗雅愛之嘗命坐  
膝上撫其首曰是可以君天下他日用特按豹皇孫失烈門在  
側曰以特按豹則續將何恃太宗以爲有仁心亦曰是可以爲  
君至是二人各舉以爲言八刺語塞兀良合台曰蒙哥聰明睿  
知人所共知拔都之言良是議遂定

元年辛亥爲宋理宗淳祐十一年夏六月帝卽位于斡難河秋

七月命皇弟忽必烈總治蒙古漠地民戶事開府金蓮川趙璧等詣燕京撫諭軍民以忙哥撒兒爲斷事官孛魯合爲大必閣赤掌宜發號令內外傳奏事晃兀兒留守和林阿藍答兒副之牙老瓦赤充燕京等處行尚書省事賽典赤匿魯馬丁佐之訥懷塔刺海麻速忽等充別失八里等處行省事阿兒渾充阿母河等處行省事遣茶寒葉了千統兵攻兩淮帶答兒取四川和里斛伐吐番誅不附已持兩端者數人遂頒便宜事于國中盡收諸王濫發牌印詔旨宣命大方通鑑云凡詔旨帝必親起草更易數四然後行諸王馳驛許乘三馬遠行亦不過四不得擅招民戶諸官屬不得借朝覲私斂民財民糧遠者許輸近倉罷築和林城追尊皇考拖雷曰英武皇帝廟號睿宗以僧海雲掌釋教事道士李真常掌道教事

二年壬子春正月皇太后亦怯烈氏崩二月遣兵攻隨郢安復  
諸州夏帝駐和林以諸王欲立失烈門者多後言乃分遷合丹  
于別失八里地蔑里于於葉兒的石河海都于海押立地別兒  
哥于曲兒只地脫脫于葉密立地蒙哥都及太宗三皇后乞里  
吉忽帖尼于擴端所居之西定宗后及失烈門母以厭禳事覺  
並賜死禁錮失烈門于沒脫赤之地秋七月詔以中州封同姓  
命太弟忽必烈征大理諸王禿兒花撒丘征身毒怯的不花征  
沒里奚旭烈兀征西域素丹諸國八月八日祭天于日月山始  
用冕旒及登歌樂通考云命東平萬戶嚴忠濟立局製冠冕法  
服鐘簋儀物是年八月學士徐世隆郎中姚  
樞等以樂工李明昌許政等五十餘人見于行宮明昌等各執  
鐘磬笛簫篪塤篥笙于帝前奏之曲終復令奏凡三終十一月  
始用登歌樂祀昊天上帝于日冬以西域僧那摩爲國師總天  
月山按祀天之月與本紀異

下釋教十二月大赦徙諸匠五百戶修行宮是歲籍漢地民戶



通考云料民丁于中原凡業儒者合祭昊天皇后土始大合樂作

神牌以太祖睿宗配志作八月十二日事通鑑紀事本末作是

合祭相去四日無此數祭之理且印都遣使入貢即古天竺國

志文十二日日字或是月字之誤印都遣使入貢有戶百餘萬

三年癸丑春二月帝會諸王于斡難河北賜予甚厚以札刺兒

帶爲征東元帥夏六月命諸王旭烈兀及大將兀良合台同征

西域哈里發八哈檜諸國塔塔兒帶征欣都思怯失迷兒諸國

諸王拔都乞買珠銀萬錠帝與以千錠曰此財本太祖太宗所

遺若一過費將來何以給諸王之賜王宜務節儉此銀卽充歲

賜之數冬十二月忽必烈平大理執其王段興智以歸遂入吐

番降之滇史云封興智爲摩訶羅四川總帥汪德臣城利州

四年甲寅秋詔官吏赴朝理算錢糧者許自首不公仍禁以後

浮取冬帝獵于也滅于哈里又海之地忽必烈留兀良合台攻

諸彝之未附者自引軍還入覲于獵所十一月城光化軍是歲祭天于日月山初籍新軍帝求大臣可以固封疆嫺將略者擢史樞征行萬戶配以真定相衛懷孟諸軍駐唐鄧張柔移鎮亳州史權屯鄧州以逼宋忽必烈置經畧司于汴分兵屯田西起唐鄧東連清口桃源列障守之宋統制甘閏城紫金山汪德臣襲據其城

五年乙卯春定漢民科差包銀額徵四兩以半輸銀半折絲絹

顏料等物夏兀良合台自吐番進攻合刺章

即烏蠻

察罕章

即白蠻

及羅羅斯

本廬鹿蠻後訛爲羅羅或作羅羅

阿伯阿魯諸國盡降之得五城八

府四郡蠻部三十七

六年丙辰春帝會諸王百官于欲兒陌哥都之地設宴六十餘日賜金帛有差從忽必烈請續僉內郡漢軍夏六月太白晝見

秋七月諸王增察兒駙馬帖里亥軍過東平奪民羊豕帝聞之

遣使問罪雲南蠻長摩合羅利及素丹諸國來覲始建城市宮

室于恒州東灤水北之龍岡冬十二月城棗陽軍

紀行錄云龍岡卽開平府

本東漢烏桓之地灤江經其陽西山拱衛距新恒州四十五里後名上都

七年丁巳春命諸王出師伐宋夏六月謁太祖行宮祭旗鼓秋

駐師于軍腦兒醺馬乳祭天命少弟阿里不哥居守和林阿藍

答兒輔之帝自將南伐回鶻獻水精盆珍珠繖

俗作傘

帝曰方今

百姓疲敝所急者財耳朕獨用此何爲却之且禁後勿復獻元

帥卜隣吉解軍自鄧州畧地渡漢江冬遣阿藍答兒行省事于

京兆置鈎考局旣而罷之帝度漠南至玉龍棧皇弟忽必烈阿

里不哥來迎大燕畢各遣歸所部

滇史云元將兀良合台以雲南平來獻捷帝命依漢故事

分西南彙爲郡縣授劉時中爲宣撫使與段氏同安輯之

八年戊午春正月朔帝幸也里本朶哈之地受朝賀二月元帥  
紐璘取成都及彭漢懷綿等州宋將楊大淵降宗王旭烈兀討  
平回鶻哈里發乞石迷諸國擒其主來獻捷又西渡海收富浪  
國轉戰萬里帝以旭烈兀留鎮西域詔數宋據殺而絕河津囚  
行人之罪帝自將伐宋由西蜀以入命忽必烈攻鄂州擒察兒  
攻荆山以分宋兵力又詔兀良合台自交廣引兵會鄂帝至東  
勝河適冰合覆以土遂濟遣參知政事劉太平括興元戶口夏  
四月駐師六盤山時軍四萬號十萬分三道進帝由隴州趨散  
關諸王莫哥由洋州擣米倉關萬戶孛里义由潼關入沔州以  
明安答兒爲太傅守京兆五月皇子阿速帶因獵傷民稼帝讓  
之撻其近侍數人傳諭士卒有拔民一草者卽斬以徇秋七月  
率兵由寶雞攻重貴山所至輒下九月帝駐漢中冬十月次利

州渡嘉陵江至白水造浮梁以濟抵劍門取苦竹隘宋守將楊立張實死之至高峰進圍長寧山十一月帝督軍先攻鵝頂堡宋守將王佐徐昕施擇善皆戰死長獲龍州運山青居隆州大良石泉諸隘俱下敕諸軍毋得俘掠諸王莫哥塏察兒並畧地還引軍來會李璣攻海州漣水軍拔四城殺宋軍幾盡

九年己未春正月乙巳朔帝駐重貴山北置酒大會問諸王駙馬百官曰今在宋境暑雨且至汝等其若之何札刺亦兒部人脫歡曰南土瘴癘上宜北還所獲人民委吏治之便阿兒刺部人八里赤曰脫歡怯臣願往居焉帝善之進次釣魚山時宋合州徙治遣降人晉國寶招諭知州王堅堅殺之降將楊大淵請攻合州元良合台帥師還破橫山徇內地由象州入靜江府連破湖南辰沅遂圍潭州二月帝命大將渾都海守六盤乞台不花守

青居山自引兵由忠涪渡雞爪灘至石子山督戰合州城下會  
師圍之凡五閱月不克夏六月帝不豫秋七月留精兵三千守  
合州餘悉遣攻重慶癸亥帝崩于釣魚山壽五十二或云爲飛  
矢所中諸王大臣奉檣北還追諡桓肅皇帝廟號憲宗

冊曰天象知祥衆心戴主遐闢西南深入中土未究厥勳  
亦振乃武友弟因心終昌時緒